

U G O V O R

ZA NABAVKU NAMJEŠTAJA ZA POTREBE USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine, (u daljem tekstu: **Naručilac**),

i

DRVODOM d.o.o. Bijeljina Ul. Ljeljenča br. 1, Bijeljina, koga zastupa Ljubomir Tomić, direktor (u daljem tekstu: **Isporučilac**).

Član 1.

Predmet ugovora je nabavka, isporuka i montaža namještaja za potrebe Naručioca, po Odluci broj SU-08-959-1/22 od 8. septembra 2022. godine i predračunu Isporučioca broj 22-015-000322 od 1. septembra 2022. godine dostavljenog na osnovu projekta adaptacije aneksa Naručioca, koji su sastavni dijelovi ovog ugovora.

Član 2.

Cijena za nabavku, isporuku i montažu iz člana 1. ovog ugovora definisana je predračunom Isporučioca i iznosi 5.042,74 KM bez uračunatog PDV-a odnosno 5.900,01 KM sa uračunatim PDV-om.

Član 3.

Isporučilac se obavezuje da će izvršiti isporuku i montažu robe u skladu sa članom 1. ovog ugovora na adresu Naručioca, najkasnije do 31. oktobra 2022. godine.

Isporučilac se obavezuje dostaviti i montirati robu Naručiocu, u traženim količinama i u dogovoreno vrijeme u prostorije Ustavnog suda BiH - ulica Reisa Džemaludina Čauševića 6, treći sprat, u skladu sa projektom adaptacije aneksa Naručioca.

Sve troškove u vezi sa dostavom i montažom robe po ovom ugovoru snosi Isporučilac.

Član 4.

Isporučilac garantuje da isporučena roba nema nedostataka ili grešaka u konstrukciji i montaži i da je prikladna za upotrebu. U slučaju uočenih nedostataka, Naručilac će u roku od 10 (deset) dana od dana isporuke i montaže pismeno obavijestiti Isporučioca, koji je dužan popravku izvršiti u roku od 20 dana od dana obavijesti ili zamijeniti proizvod drugim, iste vrijednosti i u ispravnom stanju.

Isporučilac garantuje ispravno funkcioniranje isporučene robe u garantnom roku od 12 (dvanaest) mjeseci od dana isporuke i montaže.

Naručilac se obavezuje da će se pridržavati uputa za upotrebu i održavanje isporučene robe i da će je koristiti isključivo u svrhe za koje je namijenjena. U suprotnom, Naručilac gubi pravo na garanciju.

Član 5.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po kvalitativnom i kvantitativnom prijemu robe i montaže bez primjedbi i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA

Ljubomir Tomić



Broj: _____

ZA NARUČIOCA

Nataša Vuković

Generalni sekretar

Ustavnog suda Bosne i Hercegovine

Sarajevo, 9. septembar 2022. godine

Broj: SU-08-959-2/22